

KENGÎ GEREKE PIRTÛK DUBARE BÊTE ÇAPKIRIN?



Tehsîn Navîşkî

Ji sedemên kêmiya rêjeya xwendevan û havlê ya êksera pîrraniya saziyên çap û weşanan li herêma Kurdistan a azad kirî, bi part û guropên hikumdar û nekumdar ve, pirtûkên nivîseran, pîraniya caran, li pey havliyên kesokî û niyasîyê, dihên çapkirin û weşandin.

Xwendevanê herêmê, di vê pîrosesa neasayî de, hinek caran wê bibîne, pirtûkek dubare, hember dîtina nivîserên hijmareka reşnivîsên; hêştî ronahiya çapê nedîtî hate çapkirin. Pirsyara li vê derê, xwe disepîne: Kengî gereke pirtûk dubare were çapkirin? Bi nêrrîna min, bersiv aşkere ye. Li wî çaxî pirtûk, gereke dubare were çapkirin, çaxê xwendevanê wê, ji hejmara danên çapkirî û weşandin zêdetir lêhat û daxwaziya wê li bazarê hatekirin. Hîngê li pey sîstemê nîşandan û daxwazî mafê destgayên weşandinê heye, dubare û wê pirtûkê çap bike. Dîsan demê pirtûkek girink havlî bi mêjû û keltorê neteweyî ve be û ji mêje bi çapeka kevin hatibe çapkirin û li bazarê tine be, hîngê dê bibe karekê ji hejî, çaxê ji layê nîştîman-perweran ve destpêşxerî dehê kirin û wan cûn e pirtûkan çap dikin.

Lê mixabin pîrosesa dubareçapkirina pirtûkan, îro li

Herêma Kurdistan a azadkirî, pîrraniya wan berevajî xalên li serî me dest nîşankirî ne. Xwendevan wê bibîne, rêjeya pitir ji wan pirtûkên dubare dihêne çapkirin û dikevîne bazarê, yan ji pirtûkên rewşenbîrî û şairên me yê kilasîk in ku pitir ji carekê hatîne çapkirin, yan yê nivîserekê qelem rawestiya ye ku rolekê karîger di destgeyekê weşandinê de heye, dê hevalên desteka sengandina pirtûkan êxite kirasê şermê û dubare pirtûka xwe ya pîrraniya wê bi diyarî pêşkêşkirî dite çapkirin û dubare êxite bazarî. Yan nivîserekê din wê were, pirtûkek kilasîk dubare berhev dike û tiştê li formê wê zêde dike yan ne, bi bihaneya pîroziya kilasîkîzmê wê çap bike û li bazarê bi rex yê din ve bike meydana texên tozê. Bi nêrrîna min, reftara vê çap û weşandinê niho li herêmê berbelav bandorek erênî li ser rewşenbîrî ya herêmê bi taybetî û Kurdistan a mezin bi giştî heye.

Îro gereke, karbidestên saziyên çap û weşanên herêmê xwe ji vê diyardeya nerênî rizgar bikin. Bila licnên taybetmendiyên sengandina pirtûkên nivîserên me bihêne destnîşankirî û bi çavekê mijarane û bi wijdan û dîrî havliyên niyasîni û biraderîni, bila pirtûk ji çapkirin û weşandinê re were polînkirin.

Çavê erşîvê wan saziyên çapkirinê ji reşnivîsînen nivîseran valabûn. Hîngê dibe diyardeyek normal be, hinek pirtûkên girîng dubare werin çapkirin.